

道古堂詩集

道古堂詩集卷三

仁和 杭世駿 大宗

過春集

書真蹟實錄後呈彭少宰

維新

清河世胄盛文獻前宋功父後青父米家船上列書畫  
小史傳鈔手自譜暇采真蹟撰實錄波磔分明機撇弩  
官私圖印慎鉤摹蠹螺螭扁巧規矩丹黠粉黠絹素微  
筆陣千秋自媚斌公也宿昔翰墨緣一生寢饋文字府  
牙籤玉帙塞書庫三館亡書細求補鮪生七畧紛窮搜  
新簿中經清可數華林片籍親攜來來訪滄浪響柔艣

維公儒術弼

天子擁傳三吳惠南土頭廳署罷紙尾書吏散晴衙日  
卓午急召隄麋命虎僕坐對谿山拔魚魯當公淵洽具  
公鑒似鹽入水水融乳紙香拂拂古精神灑落青瑤沁  
冰腑世間肉眼半屠沽斷楮零縑棄空簌珊瑚出海鐵  
網收須遣張懷瓘作估

自清江浦至紅花埠雜詩八首

春風十四橋中有畸士跡宿草葬書淫蕭瑟感行客

江都

張仲醇先生元貞博極羣書官終望江訓導南東  
全紹衣嘗爲余言三過邢溝而先生墓木已拱矣

莊生

謂十區

負奇氣肯兄事袁盎不寫乞米帖天骨亦骀

髀寶應袁圖南任俠  
喜交結送予渡河

門外清淮流參差見帆影冷澹玉蟾蜍清夜淚耿耿  
朱過

蘊干讀  
書堂

舌本耽清涼耻作毀茶論風爐嬾眼湯青霧半窗坐  
注宿

氏別  
茶齋

晴泥圻龜兆舴艋權三里不信九曲河相望一帶水  
河渡

晨雞膈膊鳴油燈滿寒舍六尺黃篾篷驂駕兩老馬  
王家

營曉  
發

詩人陳主簿秀句割春嵐日趁雙松影寒廳未放參  
順河

集別陳澤三時官  
桃源主簿能詩

不見尋香人目斷紅花埠春風吹鞭絲一桁溟濛雨

傷故

妓全紅也

沂州道中憶故園梅信

買得梅花手自栽清嚴標格共徘徊荒城古驛人千里  
一段生香拗不來

幾生修到玉精神說我梅花是後身日日冰霜吸清氣  
與君同作耐寒人

吾家十笏小禪龕清境迢迢夢亦諳底事冰魂斷消息  
更無天氣似江南

泰安靈應宮銅殿是明神宗造

九天光景結瓏玲八柱峯巒聳泰青環珮有時歸窟宅  
風雷鎮日鎖窻櫺乾封雨禪邀天瑞瓊笈琅函闕道經  
古栢參覃遮不盡滿階青霧晝冥冥

### 泰安除夕

鄉關回首隔三旬除夕蕭寥不當春輸與杜陵諸弟妹  
舞衣長傍白頭人

榕城消息比如何白嶽音塵等擲梭又著一行風雪晝

泰山古道蹇驢馱

舍弟尚滯汀州伯兄聞於歙州度歲

心如活火不成團句敵檀梨尚帶酸想得夜來占燭影  
綺窻憔悴理辛盤

禹城

鄉人沈君師穎方罷官一孫頗賢

小市塵稀眼纈明一街寒日築毬聲故人傳說休官處  
冷騎蕭蕭過禹城

平原懷古題顏平原書東方朔畫像碑後

樂陵古厭次彘代歲星謫瓌瑋上金門陸沈隱象闕榜  
郭善窰藪數董莽擗戟清質故濁文潔志肯穢迹詭時  
嗟不逢儵爾委仙骨叢祠表里閑寂莫照荒月遺貌緬  
脩古捏素聳樓魄侍夾二細君宛若眉影嬾老樹撼悲  
風落葉響蕭撼壞壁失龍蛇枯椿走螻蝻淹冉歷歲時  
徘徊感行客夏侯守平原有子展省謁敝辭致鞠醅酌

醕薦秘醇鴻文發鏗鏘貞石峙肆矧豈無神物呵不敵  
風雨揭嵬峩斷龜趺駁癰牛蟲齧魯公啟潛光同里異  
代隔琬珉重磨礱筆力自超越天寶垂摩崖副本搗翠  
碣臨池三摩挲親紙再嘖喑漢庭老侍郎遊戲嫚割腊  
主文尚譎諫避世識明節卓哉平原守孤城支觚觔屢  
黜忤權要一死折兇逆名蹟光天壤大義昭史冊作歌  
質古賢生氣凜鬚髮

同巖七

在昌

坐冰牀入鄭州

白溝河水衣帶長凍堅澤腹斷葦航琉璃十里森耀芒  
不輪不楫制作良麻繩彎環牽有力金柅滑澁行無方



兩已相背跛脚坐絕勝羸馬搖車箱初疑闖入水精域  
又似身在白玉堂清氣一縷寒到骨宛轉洗出冰雪腸  
連朝厭聽鈴馱語五更戒路支青霜眼耳鼻舌飮氛濁  
那得肝膈回清涼勸君急須解塵鞍有錢何惜賃冰牀  
東風取次將解凍莫待漸盡流湯湯

寓齋老杏一株花絕繁盛用漫堂竹垞兩先生集  
中柳巷杏花歌韻

我本看花使小園日夕修花經客歲走京國譬箭揚風  
翎倦眼未洗塵漠漠短髮忽點愁星星旅舍富林壑晝  
靜如郊坰一株老杏森刺目醉態似被風吹醒春光九

十將過半輕烟不散酥雨零挑菜淪嫩甲啜茗揀苦丁  
丁香百結未放白竹篠幾個初抽青畫牆低處亞字缺  
脉脉露出千娉婷朱脣粉靨費晤對老幹色作青銅餅  
托根羨爾已得所位置況有香茆亭東皇作意做寒食  
淺苞綴露搖清泠宋朱二老盛詞賦冶遊極口誇支硎  
江南二月春雨歇深巷此日聲堪聽令我鄉思轉撥觸  
小樓一角勞吟坼生香活色映餘媚姹枝穠朶紛殊形  
酒旗飄颻泥遊展幾家村店臨回汀柳腰綽約麴塵動  
繁英飛入紅窻櫺此景可與此花語對花悵悵盃還停  
須臾疎月澹檐罅玉顏四照烟冥冥

齋中芍藥

豐臺花擔曉盈筐折得生枝露浥房  
閉閣靜宜三月雨卷簾先透二分香  
紅燈不擬添潮暈玉頰偏教膩粉光  
太息春風易離別一尊婪尾九迴腸

荅施

安

卽次其在都時見懷韻

劇憐西笑故人稀委巷蕭寥白板扉  
放眼漫驚新柳帶掉頭重理舊荷衣  
蝸非蠻觸空勞鬪鶴伴烟霞那得肥  
長憶勝蓮僧社裏白蘋吹雨滿漁磯

萬柳堂三截句

清梵三時響粥魚亂花空發老僧居  
危欄曲處青山露

一桁斜陽曬佛書

半天婀娜綠穉抽拂拂新條亂打頭兩翼畫欄紅不斷  
荻芽菱葉滿春流

溪風掠過打魚磯匝地春陰綠正肥頭白僧伽破禪寂  
柳花吹點水田衣

送邵進士大生教授大名

邵侯越州備宿昔文字洽燕吳春草隔振眼熟羊腍七  
載理幽覲古風動涼簷詩章美無度芳意擷香蕙芝英  
咀九竅詞源倒三峽心花舌亦花穎秀宛可掐氣類膠  
漆投可許永驩狎維余振轡初當子赴官恰火雲蒸黃

梅嶽嶽正烏帽冰條稱頭銜宦海脚試插巧吏勤鞠脰  
俗吏禁呀呷滔滔徒實繁熟審顏破甲不如苜蓿盤清  
味冷可喋幾南千里郡鐘鼓制不狹古樂列筍虞宏議  
考禘祫先生伊川裔經苑稟家法三傳究終始闕義補  
鄒夾臯比坐指畫妙解息衆霄聲價百城償氣象萬牛  
壓賤子載垂翅蕉萃舊白袷奔走空鹿鹿蹇澀類鳴鴈  
骨相知寒迤歸計事緩銷心旌挂龜鳧迂路枉邾邾蕭  
晨敬高齋嘉客興未乏茶烟紫玉芽鑪火白檀笈徵材  
奇屢出鬪韻險能押或致鄢陵師各主葵邱歆元辨竟  
連夕快意詎累鬟枝官簡簿書冷局富箋劄清飈逼四

隅光灼琉璃匣

夏日雜句十七首

濃陰綠徧小回廊  
攤飯先安曲象牀  
消得素馨花一霎  
滿街香氣鬧蜂黃

翛然深巷淨苔痕  
棗樹開花半似村  
乞與一間杉屋住  
綠悵悵處畫關門

危闌百尺聳松棱  
山月飛來界玉繩  
綠樹似雲濃不斷  
一竿紅颭佛幢燈

藤梢蔓引翠層層  
涼影蕭疎一院棚  
日脚不來風信透  
茶瓜清絕坐調冰

花氣桐陰小院晴竹廊長日煮茶聲平生最愛簾絲颺  
故背風亭放石鐺

却埽應無襜襖偕一牀疎簾竹窻排怪來花底蟬聲咽  
日影翻風葉滿階

維摩經院境清嘉依舊紅塵送歲華誇道賜衣曾借紫  
竹邊畱客曬袈裟

晴崖日日露孱顏一夕西風失髻鬟幾片黑雲遮雨脚  
墨痕濃似虎兒山

蠅惱西窻夢不成好風吹雨莫涼生飄蕭大有江湖味  
只少菰蒲水面聲

小園雨過土膏香  
滴滴圓珠媚竹光  
隨意便添幽砌綠  
無名小草徧西堂

蛩聲幽鳥午聲蟬  
鎮伴枯齋結靜緣  
鄰寺晚來鐘打動  
三時清課辟支禪

綠痕涼上酒人衣  
密樹翳簷蔭十圍  
不及南鄰雙老伴  
一瓶紅友送斜暉

蕭蕭瑟瑟妙香含  
幾本青蓮供鼻參  
一道淨慈山寺路  
清涼風味舊微諳

食單鮮鯽數灤河  
蕨笋薑芽味較和  
飽食轉思湖上水  
碎萍寒雨逗微波



卽看珠市擔肩果不見楊家渡齒梅對客便誇鄉味美  
北山僧塢滿盤堆

溪風吹面蹙晴瀾葦路蕭蕭鴨滿灘六月陶然亭子上  
葛衣先借蚤秋寒

鐙足三家洗象行小儒才薄失縱橫年年宣武門頭水  
根觸噴泉刷浪聲

三家謂梅村阮亭山薑

蚤春探梅圖爲林吉士

令旭題

俗眼識春不識梅俗手畫梅不畫春豈知綠萼抱孤賞  
稜稜玉貌

稜

稜精神花光裂礪落清峭劃破水骨開漣瀾

拗枝

面

面古香撲倒影寫山林通身森森冷月穿樹入

滿地畫格橫斜陳凍雀踏蘂不敢啁爲有索笑巡檐人  
憶松吹堂前芭蕉有寄

涼入西堂蔭酒襟更于牆角發孤吟初傳急雨三更響  
未放秋風一卷心綠葉靜疑腰扇動紅花不似膽瓶深  
年年共爾冬春別誰識叢叢是苦音

題陳

謨

半野園圖卽送之官全州

半埜園中花木劇秀野啾喧不到清晝屏常扁廉纖春  
雨灑落杏子瓣斑斑苔點綠徧寒蕪垌當頭磊砢妥置  
醜面石放眼空濶小築尖頭亭王芻个个放葉綠沈綠  
赤心纂纂結子青蟲青雲階月地漏落春瑣碎紅鐙翠

幙搖蕩嬌娉婷層樓百尺反挂畫簾押乘風仙御縹緲  
吹清冷西峯隱約蚤晚露婉嬾晴巒一幰飛入明窻櫺  
黛眉螺髻長日看不厭竹闌十二曲盤供玲瓏詩人陳  
三閉門正覓句紫纓串串飄墮藤花廳七司條法吏部  
定曹格彩選一擲湛露天街零參軍手版不許挂頤頰  
只合排衙放吏給使令賦歌高唱偷試看山眼二孤玉  
貌宛似夙所經山迎水送迢遞到官閣一弓張滿飽帆  
風中船第三廳上風景足遊行畫鼓搥動驅走猩狔狔  
綠荔支熟日午賽鞦韆紅佛桑開風動飛蜻蛉鬢鬆臙  
腫放筆寫樹理青黃斑剝著色描山形燕岡越嶠咫尺

誰合并化工粉本此際含毫停寫生妙手作用太狡獪  
水墨驅染草木皆英靈八千里外展卷一矯首帝城春  
色指顧烟冥冥

枯竹傷陳司馬

師賢

陳字鶴臯爲文貞公冢孫丁未選庶常旋以大臣薦  
出佐粵西大郡中道溘逝甲辰余寓通路鶴臯從其  
尊人濂村先生視漕斯土相會於城西僧舍與予脩  
癸卯同籍之誼旋以事各舍去今年寓止半野園園  
爲文貞休沐之地鶴臯手植竹及所題六詩尚存入  
夏失雨生意頓盡若爲鶴臯殉者撫念手迹情不可

已爲賦枯竹傷之

燕地峭且穢厥土惟壚墳淇園千琅玕未見篴萌掀移  
植一隔歲已不復生孫脩脩綠淨姿簌簌青雲根日暮  
戛寒玉翠裊不自溫隨牒去桂水弱質摧荒原簾影泣  
湘娥斑斑漬啼痕草木有至性憔悴難爲存驚風鏘珮  
環澹月淒瑤琨匝地金瑣碎照見飢鳳魂敗籜掃天帚  
綠鬢孰所髡攀枝感疇昔請訟巫咸冤

長行有日先期報厲孝廉

鶚

也如行脚打僧包秋露微稜暑絕交燕市賣漿人漸熟  
明湖寧苕夢難拋浮雲不與深山隔獨鳥還尋老樹巢

先日馳書報猿鶴西風何以慰窮郊

出國門作四首

西風涼入袷衣輕似促羈人出鳳城  
雁隔斷雲聯遠陣馬衝殘月帶班聲  
湖山待我看秋色驛路從頭問舊名  
稍喜漸能除妄想仁祠還證古先生

塵漲都亭失翠微一行風柳撲人飛  
蝶將曬午先垂翅荷爲延秋早褪衣  
七載舊遊程可按卅年壯志事全違  
窮檐肯負名山業史稟還堪證昔非

轆轤短綆汲銀華古井無波剩可嗟  
隔歲夢違仙鶴髮滿湖香負妙蓮花  
人材似此三十平過骨相看來百事

差蕭瑟風前一回首可堪眯目盡黃沙

館號翹材傍禁除花磚綾被近何如神仙窟宅元難占  
玉雪才華似可居史局未知誰秉筆翰林聞說有羣書  
朝參分與疎慵隔依舊秋風下澤車

琉璃河至三家店道中作

平橋疎雨斷寥落幾村家貧女楸花髻荒居柳葉茶石  
坡秋草滑磚塔夕陽斜高樹披涼蔭棚棚喚賣瓜

新城

高樹交加綠蔭成紅闌宛轉畫橋平朝陽初起黃塵斷  
一徑開門埽地聲

白溝河

青草灘灘繡鴨浮  
新楊才種過人頭  
迴輒幾折新城道  
十里橫河是白溝

趙北口

荷葉錢錢葦路涼  
綠蘋風過蓼花香  
蓮蓬論把魚論秤  
真個雄城是水鄉

阜昌道中

郭門相望半頽牆  
小綴橫橋跨柳塘  
烏犢飲溪侵蓼穗  
紅鵝升岸戲蒹香  
風披縹野過清氣  
雲卷層波逗夕光  
薄板小車三十里  
棗青榆碧自成行



景州示陳二 兆喟

傑閣參城雉雄州氣象殊一灣因野漲十里見浮圖古  
岸青蒿界秋塍翠扇鋪故人各風絮回首感羈孤

武城

武城城外漲秋渾甌脫荒涼古戍存官柳尚圍衝後岸  
女牆半露浸餘痕園人曬棗升簷瓦驢子馱糧過郭門  
河曲莫論風順逆蕭蕭殘照落帆昏

臨清

半規月子照彎彎把酒開窗解病顏河脚巧分丁字水  
雲頭盡埽米家山雨穿屋破憐民瘠風捲沙堆卜地頑

北地沙聚則不信客舟輕似葉清秋寒露阻門關  
地廢不可耕

### 遊臨清永壽寺觀塔

招提吾舊緣況久被塵鞿荒荒大河側湧現珠宮扉  
蝕甃金碧黯壞壁莓苔肥吉祥卍字佛髮殊光生輝一落  
塵沙劫苦被秋風譏小草逗寒雨吹上消瘦衣香界創  
何代幾歷諸塵微野僧踏夕影手提應器歸導客觀舍  
利相輪罡風威秀支維劬禿鈴語發靜機其上迦葉波  
其中香鐙輝三界晝夜轉崛峙大鐵圍扶闌聳方空篆  
刻諸天妃金容森莊嚴面面流音徽怖鴿畏波吒化作  
層雲飛百城烟水渺回首悲崔巍

陸進士峻

在舟苦被目疾作詩以當枚叔之發進

士以醫名故結句及之

銀海層波渺渺愁泉珠鉛水滴晴秋日輪苦爲脩羅障  
風劫偏從阿堵謀師過畢迦還可懺方傳龍樹恐難求  
華陽別錄君應記一洗空青翳便收

陸峻

目疾平復復請賦詩再廣前意

天眼難教色見遮金鑊剏後絕纖瑕六時還汝葡萄朶  
一劫餐將菡蕸花隔樹靜觀雲有態並舟分看月同華  
背山枕子如何摸千手機緣悟未差

次韻

海寧

陸

峻

際唐

清虛却礙片雲遮  
鉞石難除半點瑕  
不信交光迷正色  
直教幻影亂空花  
吹噓大氣涵神水  
磨盪玄精受月華  
我亦靜參龍木論  
方懸肘後未應差

東昌

拍拍驚鷗刷短翎  
團團秋困縛茆亭  
柳枝踈地因風起  
吹與萋蒿一樣青

土橋牖守風

三日南風莫復朝  
十程水驛路翻遙  
天蒸鬱氣爲淫雨  
波捲秋聲作晚潮  
布席靜推來日緩  
隔窻清見過帆飄  
題詩欲寫天公惱  
一醉寒漿問沘寥

張秋舟次

翩翩浪葉作花飄宿莽平頭稻浸腰可惜水村秋漲濶  
不添三百九十橋

帆回溪轉見漁家老樹當門噪晚鴉酒熟呼兒挂笊簍  
一灘開徧水蒹花

蕭蕭荻港泊斜曛半入鵝羣半鴨羣一色琉璃水天碧  
界空晴擘妬羅雲

涼葉西風落未休開窗紗帽緩籠頭千枝疎柳斜陽裏  
掉尾行過子母牛

濟寧竹枝詞

金龍祠近浪潛消郭外條條白板橋  
八牖帆檣千樹柳就中秋士最無聊

石佛寺前秋水平石佛寺後秋草生  
老僧只愛秋色好夜夜登樓看月明

澹鮮菴外水周遭纜繫青楓一樹高  
日暮涼波動魚叢小船收網賣銀刀

丁字簾前郎賣茶三叉灣口妾撈蝦  
日暮得錢同取酒牆頭紅壓佛桑花

紅棉熨貼唾絨堆翠葉玲瓏線扇開  
一闌市前陳骨董行人爭買土宜來

舟次濟寧縛纜石佛寺前同人釀錢買醉酒後有  
作四首

野塘新漲亂縱橫客裏閒尊對莫城秋到酒邊頻作達  
涼生鷗外各尋盟下弦月似初三夜擊楫歌傳第一聲  
共喜明朝鄒嶧近片帆好作看山行

生涯蝸縮一孤舟舟子呼風暫解憂白舫紅鐙同此夕  
綠波青嶂入初秋閒窗緩帶看行炙隔座搏拳想送鉤  
如此河山如此客未應輸與五湖遊

浹月維摩入夢頻先秋瘦損苦吟身此中大有烟霞趣  
我輩偏宜澹蕩人綠酒青山供勝賞龕鐙齋板悟前因

生年未了微塵劫欲展枯碁問積薪

年華如水去駸駸清酒含愁自酌斟徧淨天空秋月冷  
育王城近暮雲深偷將閑士拈槌法付與才人擊鉢吟  
十載津梁苦行役打包吾欲叩珠林

龍挂

雄雷出地不肖蟄雌霓經天光漸翕黑雲油油蔽江面  
輦蟲弓肩上空立今年郡國被災苦商羊一足予且舞  
厥占爲水禍東土乖龍倚仗天公威日日擎雲作風雨  
鬚鬚老角侵羲輪倒吸海水梳蒼鱗神龍見首不見尾  
此意欲與劉累論



過方石川太常宅

京國俄傳殞大賢，版書催赴未華顛。昌時才望登三輔，

身後清名動

九天萬里旌旄難自達

先生總藩西安行次六合而卒

七年衣鉢媿空傳

予甲辰本房代州苑雨逢先生癸巳禮闈出其門

門生也抱

羊曇淚一過西州便黯然

次厲

鶚

維揚見懷韻

大浸連青豫茫茫，斷去塵稽天復沈。陸感事鎮愁人朋，  
好憂何切維摩病。正新西風有歸櫂，不是爲鱸蓴。

得葦浦都下書約早秋歸里逾期不至聞山左

大水作詩懷之

錢唐厲

鶚太鴻

長安幾朋舊往往斷音塵忽枉因風訊偏傷失意人  
龍蛇爭路險波浪益愁新反媿卑棲者期君醉紫萼  
虎邱登石觀音閣

傑閣重來證二依嵬峩貞石有光輝

碑記爲友人馬曰璐撰

金紋

寶鬘開圓相出水當風鏤畫衣慧鳥曉含珠露降戒香  
春繞玉巖飛法音顯示潮音寂釋胄何人爲表微

道古堂詩集卷三



道古堂詩集卷四

仁和 杭世駿 大宗

補史亭臆稿

予以八月初旬還里卽以是日見夢丁處士

敬見

良友之念我切也書此志感

斜風吹雨颭青鐙孤影蕭騷似定僧又向故人魂夢裏  
秋衫涼露骨棱棱

庚戌八月七日寢菑浦歸自日下爲述途次泮  
水之阻語最了了後詢之果抵家於是日亦異  
矣

丁敬

閒窗讀罷鼠窺鐙塊影凝然澹似僧合眼便教來好  
夢故人眉宇見秋棱

蘋香齋坐月

涼月紛紛滿蕭寥野性耽風花吹不定清梵度鄰龕樹  
病新霜重苔滋宿雨酣清光識人意離坐每相參

施安招宿南屏山房予以畏雨不果次韻

白雨如絲細細生憚人腰脚媿山行秋屏展出蒼疎畫  
遠水吹開澹蕩情招我入林防路滑乞君書帖報霜晴  
明朝定泛菰蘆櫂共聽寒泉瑟縮聲

遶宮詞七首

端拱門前冊使過  
扇門簾捲樂聲和  
禁中徽號傳呼徧  
三字新銜釋幹麼

地祇地后卒相逢  
車挽青牛避若風  
至竟君王藉雄畧  
三千勁卒困盧龍

殿築昇元哭梓宮  
龍飛星隕感無窮  
含情不得酬同穴  
玉腕生生納柩中

四樓相望二千餘  
獵獵黃沙撼拂廬  
昨日東丹中使到  
人皇新啟問安書

禁扁黃圖法式寬  
瓊思瑤想迴人寰  
清風三殿初成日  
草廷猶傳內禁頒

巧製紛紛出內家金塗鷗尾九龍車君王日日邀同輦  
看徧秋來滿谷花

深禁沈沈玉漏長牙牀猶是待君王迴心院冷琵琶寂  
宮婢偷閒寫十香

吳山斗閣次張沅丁敬兩處士韻

傑閣軒軒繞翠巖莊衿老帶隔塵凡星沈玉砌鯨魚靜  
露下莎亭警鶴僂謹母銅符雲滿簡上清蚪篆石爲函  
閣中舊有道藏道人應是華陽隱位列真靈第幾銜

雨中對菊

三十六陂涼雨四五七朶落英洗山一天寒豔照來獨

院空明長喆相對逾澹短夢今宵定清日莫更添蕭瑟  
幾時伴我初晴

書燉煌集後寄顧行人

之璵

三水

指掌西陲聚米圖巖疆版築集烝徒天開勅勒穹廬遠  
地拓瓜沙戍壘孤雞塞夢寒飛錦段雁關烽息闕金符  
冰霜詩句賢勞績補入燉煌實錄無

九日集隱几山樓

圍藍削翠望周遭爽入晴空散鬱陶獨木野橋隨磴曲  
尖頭小屋旁巖高迎秋花好長扶屐禁體詩成不數儔  
勝日風光儘排遣但須飲酒讀離騷



霜降日雨中厲二鶚

汪五

沈過宿松吹書堂

草閣何來二妙投風簾樺燭不施鉤寒霜欲下先驅雁  
小雨初成亦聚鷗隔樹暝陰遮瘦影對牀清夢逼殘秋  
情知杞菊甘孤寂未敢尊前儼四愁

送汪五之維揚卽題其行卷

嚴霜作威菊放藥黃者正色餘赭紫酒璣羞澀奈爾何  
攀折一枝當觥使槐塘第五詩局子衡門櫛比豐樂里  
老父涉江兄走歛十日蘇頌動張哆靖居恭學被飢驅  
穀皮書帙邦溝度講堂兀坐作經師磨丹點黜申鞭箠  
六詩三筆暇探微遊席懽塲屢摩壘盡將秋士結習緣

琬入清寒五字裏主曰苗村

江都余元甲

師樊榭

錢唐厲鶚力矯

頽波正風始樊榭論詩造幽澹荔裳蘿帶牽蘭芷微旨

應須蜜味叅清言瀉作溪流駛苗村句格超卑凡澀語

苦危絕比儼華峯四面類削成峽水三堆長倒徙大江

南北風雅衰敗鱗禿甲都離襍濡雪堂標主客圖玲瓏

館析靈通指清時過從作雅娛商推風騷辨商徵乃于

二者門庭間日夕熏湔得神髓冰腸雪魄搜清嚴梔貌

蠟言籛穰秕半瓊獨聳山字肩書徧門生白棐几秋深

風勁單袂寒歸買吳綿裝布被入門姥我一編詩半歲

羈孤藉有此嗟予重性挾單惠讀汝新詞轉無俚苦吟

何補枵腹飢人笑汝癡汝自喜馨兒呱呱月始孩姪妻  
側室困骺骹一妹九月初委禽一姊十月將嫁矣貧家  
舉事百物艱嫁衣端恃汝料理室中須者雙南金卷裏  
珠璣空復爾我生苦爲作詩窮落魄歸來長馬齒弱齡  
弟妹苦飢寒向我申申絮不已比來蹙貌日尠歡欲製  
題辭失清綺上海謫傳邱令亡連墻走報受生死把君  
行卷哭秋風淚染番番竹膜紙痛定腸迴自解嘲死生  
得喪偶然耳龜毛兔角紛譸張鼠目獐頭翻怏悵古來  
聞有寶燕人世上元無刻楮技詰窘誰堪破天械摧謫  
差能免法喜寺樓揩眼繙梵夾亭角埋頭刪野史行歌

帶素照孱顏影落寒潭共清泚襖被蕭蕭爾漫行我自  
雪中能曳履來帆定有束修羊相約銷寒過歷尾

父孝廉

聞望

歿已匝旬腹痛之悲不能自己寫五

斷句告于靈牀

童稚嬉遊到卅年里門清望過前賢江郎作宦汪倫別  
獨翦寒風送紙錢

槐黃期迫鼠兒年研席曾來乞一聯侍御

徐次公杞

還朝翊

屐散忍封秋淚酌重泉

近來文士耽空綺經苑經神品日誰苦憶半瓊清獨擁  
曲臺喪服細鈔時

迎秋病骨日槎牙  
淚緘愁度夢華  
九月釀霜風執惡  
墓門吹斷日南花

共住銅街九陌塵  
板牀支枕話含辛  
不堪風雨重陽集  
羶毳歸來哭此人

題趙叟新居

製里依然旁舊林  
谿流繞屋樹連陰  
野船泊岸綠萍散  
山展到門紅葉深  
衣桁翠分松露潤  
茶牀清苔竹風陰  
隔牆不少樵漁侶  
好境時時得過尋

瑟瑟深秋菊未殘  
斜風細雨任相干  
山妻檢歷安雲碓  
樺子牽蘿補藥闌  
門對兩株高鴨脚  
窗橫七尺舊魚竿

蘆簾鎮日清垂地相伴鱸魚到歲寒

峻嶒玉骨鶴猶輕不用過頭杖亦行帖寫新霜報園叟  
碁貪殘劫坐深更盤盤徑草芟還合策策庭梧下有聲  
夢到石壇成小憩一林風月喜雙清

羅階藥艸鬪清妍丈室西風駐小年卷裏谿山得真意  
靜中雞犬有僊緣烏絲紅裏能娛老白髮青鐙可破禪  
瘦骨近來翻兀傲不曾行乞草堂錢

萬編修經將往明州修志過予追訪舊事述長句  
久之兼以送行

勾章太守儒術吏欲以文藻輝山川鄞鄮三縣詢故老

孰克稱任無媿旃青衿諸生六七輩羣游于校裁其冠  
僉曰太史九沙叟里號碩德稱耆賢 皇輿圖表受

詔撰一統方略奉 敕編自來鴻筆光史院矧此志乘

辭爲難聞人豈無夫已氏軼材諷說不足詮未若叟也

撰述卓可傳叟今七十剛華顛兩目炯炯精神完叟機

字源洪迺釋擘窠運腕如雲烟先人傳經角嶽嶽充宗先生

著有學禮質疑儀禮商周官季父讀史腹便便季野先生

辨非禮記偶箋學春秋隨筆南宋六陵遺事庚申君遺事著書等身懼放墜叟也一

歷代史表暨明史三百卷 一曆寫工雕鐫紀元之考瞭指掌功與史表同精堅紀元

考一卷括歷四明文獻鬱選首造廬而請何疑焉太守代運歷甚晰

撰日具書幣涉江命使恭且虔叟承禮命夙當發高軒

過躡蓬蒿園誘我騰說遡前志黃綢煖割朝來眠張津

姜嶼之書不可觀

津撰四明圖經見宋史藝文志嶼撰寧越風物志見文獻通考

為叟

略數楊張前

成化時郡人楊實修四明郡志嘉靖時鄞人大司馬張時徹修府志

寶慶纂

歷歲丁亥廬陵胡桀守慶元屬其鄉人參軍濬

序稱顧州錄事

參軍羅濬直齋書錄解題云胡桀仲方為守羅濬其鄉人也

甄括明事縣國門先以

郡志後六邑刻畫城郭圖廂關

其書郡志十一卷鄞志二卷奉化志二卷慈谿

志二卷定海志一卷昌國志一卷象山志一卷府境縣境各治皆有圖咸淳年刊

厥後卅載暨

開慶丞相臣潛來旬宣軍防水則以次定經制稅賦兼

牢盆嘉禾繪獻民氣樂老謀憂國何時諼門生曰錫曰



應發承命執筆校秘文詩歌自可勒琬琰例以志體稍

殊懸

開慶改元吳潛以丞相領郡復續修四明志民政兵防士習軍食別自爲志以補前書又立水則自

撰平水則記刊石門生慶元府教授梅應發沿海制置大使主管機宜文字劉錫編次末附詩詞四卷予謂於

志體不合也

自宋訖命更延祐袁桷方領編修官本之二志

著其概參之七觀究其原

王深寧應麟著四明七觀鈐括郡之掌故爲注釋延祐三

年袁學士桷復修郡志採其文冠于藝文考

誰其續者垂不刊猗惟王侯元

恭捉翰適如椽其間首尾稱大備一代興廢略可言

正至

時郡守王元恭續修延祐以後事凡十六卷稱至正新志

前明內府不收弄文淵墜

簡終淪湮天一閣范碧山全家有善本頗自專叟當檄

取訶豪頑

宋兩志皆宋刊元兩志亦鈔本明代文淵內閣兩目皆不載海內藏書家亦無有齒及者

宋志惟予友全祖望家有之故予得見元志則天一閣范氏所藏也

榮陽南山堇山氏邦有黎獻撫攬勤或輦繡藻采而有耀或大雅宏達而不

羣榮陽外史鄭真南山先生黃潤玉堇山先生李其書

同異具可核叟今何不重探論鄭黃止載郡人李則并次名宦抑吾又

聞杲堂李翁於叟爲先友高文煌煌稱大篇傳甬耆舊

一十卷能事直欲追古懽郡人李鄴嗣胡文學本四明風雅諸書哀集甬上耆舊自

漢至明末定爲詩史鄴嗣爲撰傳叟今凡例一本此發幽表微疇謂不

然方今

聖主一寰宇睿算尤重海與邊三韓直達島倭接宋時高麗

貢道由明州上見寶慶志及范石湖集東南防守籌宜先舟山負隅歸版

籍時清喜停赤白丸 廟謨議此設重鎮厥餉幾何兵

幾千叟宜條晰陳要害宏論亦可銷戈鋌郡人聘修古

有例書法郡守名牽連

其在吾浙嘉興聞人碩德修嘉禾志德清談鑰修吳興志山陰

陸游修會稽志天台陳耆卿修赤城志皆宋志之表表者上奏

天子 制稱善撤膳或賜兼珍筵叟今決去無遷延雪

花席大蔽江水烏篷船低壓兩肩行勝轡輶恣捆載湘

東斑管膠東箋阿育王山考古佛丹山洞天尋真仙搜

奇直扶圖經秘采隱不遺聲聞禪白頭自草丙舍帖歸

告先墓封樹寒焜煌家乘述祖德玩鹿亭古澤永縣

鹿玩

亭先生高祖鹿園都督所構因以名集

寒廳擁堵看秉筆一筆一削孰敢

千鼠鬚疾揮不及凍墨藩官受冰霜憐走願傳鈔備書  
吏微名亦得流丹鉛不朽盛事會有緣此意只恐天公  
慳嗚呼此意只恐天公慳

吳江舟夜

蕭然襖被出河濤十月微暄似小春烟際有船呼戍柵  
蘆中無路問釵人簪鐙酒味沾唇薄漬蟹薑芽歛手辛  
棖觸吳江竹篙水三旬兩度往來頻

許上舍

源岳

出觀家伶四首

北寺看鐙憶七年玉釵羅襖晚風前一秋艷思三生夢  
併逐笙歌上綺筵

建康集卷四  
林鶯恰恰試雛聲惱亂蒼涼客子情斜倚一行紅燭坐  
畫簾風裏水紋生

香篆縈絲炷夕薰冰姿消得研羅裙看來素壁秋鐙影  
瘦較黃花更一分

闌闕城上隱朝霞漏斷嚴更鼓不撾此夜可知歌吹煖  
清霜烘後不成華

### 山塘泛舟

山塘七里界平流一櫂廻環散客愁花桁密時莎徑窄  
茶寮清處畫簾鉤秋歸蕭寺餘紅葉雲落晴波似白鷗  
莫便歸途悵風景家家鐙火上河樓

同作

錢唐周經邦理齋

景入初冬稱晚游蒼深巖壑起人愁千秋陳迹歸金  
虎十里橫塘見玉鉤古塢靜看棲怖鴿畫船清似泛  
輕漚鳬溪尙有灣環路夾岸蘆花盡白頭

許上舍惠菖蒲

菖本曾傳養目方殷勤玉斧許分將烟收密穗千重暈  
露淪花蕤一味涼上藥不須尋石髓山齋畱待伴芝房  
憑教午夜親黃妳細葉森森發古香

海舶將發例皆合樂迎神主人邀予往觀娛燕及  
夕請予作祀神歌

吳趨估客豪猶昔金塘玉漱同迴薄大柁高桅取次開  
顰向長洲河上泊鰕生倚櫂闔閭城覽物驚秋百感生  
編郎招我船艙坐請試中流擊楫聲靈風颯爽飄雲幄  
錦瑟銀箏聽不足越客新翻進酒辭吳兒解唱迎神曲  
發船蚤打逢逢鼓村巫醉飽婆娑舞瑟瑟青楓送後潮  
悠悠白水迷前渡迴首檣帆落照多靈湫龍女夜騰梭  
請看大編乘風去萬里平恬海若波

烏戌

蒼涼西北柵六邑一灣通遠樹歸帆隔斜陽戍壘空風  
流思九老顚賴倚孤篷回首吳趨路荒荒有朔風

題倪迂南湖陸高士宅圖用卷中韻

高士南湖宅流傳至正年山容同畫理陳迹兩茫然石  
礪蒲根雨山廚木葉烟題詩輸嬾瓚不共白雲眠

吳上舍城招集繡谷亭

狂客狂教促召齊過從只隔路東西三叉晚市稠燈火  
十月寒街噤雨泥開卷就窻驅紙蠹避風遮戶見簾犀  
緘詩并寄蟬花叟雛鳳聲清感玉谿

祥符寺

禮部貢院西更西古寺蘊蘊浮雲齊金碧已剝蝕猶剩  
雕榱題茲寺創始何王時傳是大同二年邑人鮑侃捨



宅爲

見咸淳臨安志

衆善龍興屢改額大中勅賜榜額名長垂

遺址恢恢衍九里建炎建國乃始改築而小之鏐錚軍

罷所縱橫五兵貯

宋軍頭司巷在其地見夢梁錄今俗稱軍驢子巷是也

行都一

劫迹銷沈武庫茫茫在何處我欲禮覺公塋宿草陳芟

莽廻合我欲拓北海碑泐石曾無一段遺佛頭塵滿螺

髻青鍾暗鼓啞難爲聽罡風棱棱穿殿角鈴語斷續含

淒靈錢王鑿井洩龍湫厥眼繁至九百九十九或是妙

莊王女剗後光在手或是國王夫人乳各五百道城頭

滴落千男口沈吟往事諷新詞欲爲曾蘇破詩杻上元

鐙火何年無香燒銀葉車咽塗百年瞥眼管興廢感此

突兀青浮圖冰花匝地石牀冷一片清光落峯影荒廚  
我無粥飯緣偶持半偈參四禪茶烟緩斜日短命儔一  
笑出三門回首寒雲香剎滿

梵天寺同周

二學

金

文淳

作

白足紛紛展氎巾梵音微妙佛堂新帆橫江外天無際  
寺在山腰雲獨親老樹日斜飛悴葉壞幢風動散微塵  
盤盤仄磴虛亭接歸路行歌雜負薪

華嚴庵同丁

敬

訪孚中上人不值

言尋洪覺範著錄署林間熟客邀看竹孤僧偶出山石  
牀風自掃松院午猶關嶺外迢迢路沈吟未肯還

蘋香齋諸子夜集分次王次回寒詞韻八首

燭花飄墮玉蟲寒  
橫幅冬林被酒看  
修竹自從離翠裊  
十分風雪橫相干

青編長浣粉脂痕  
簾幙垂垂氣自溫  
吹處似蘭香辟蠹  
不須酒脯祭長恩

香熏臥鴨裊微烟  
手炙張銅坐意錢  
真個謝庭清似水  
旋吹風絮到簾邊

羊角鐙燒一院明  
枇杷花發夜香清  
同來山字屏邊立  
鉤動釵飛獨憶卿

凍雀偷香踏折枝  
畫堂清絕峭寒時  
郎情比似溫墩酒

冷暖憑他綠玉卮

日上三商起尙遲  
睡紋親見斷紅時  
梅兄攀弟蕭閒甚  
冷臥銅餅各一枝

竹鑪風定散茶烟  
藥院聲清凍手煎  
一樹香黃自酸楚  
擘橙風味諳中邊

生盆青鴿逗微紅  
衫摑啼痕旋自烘  
滿樹碎寒金尙淺  
一雙翠羽踏雕籠

越日復和四首

鶯語偏宜暖玉軀  
烏圓新與小名呼  
蕭晨炙研調珠露  
呵點蒙求教阿奴

滿頭蓮草壓花冠  
薄著吳綿故忍寒  
八幅畫裙長窄地  
卻畱微步恣郎看

定瓷清茗許分嘗  
銀燭因風見跋長  
當而爲郎呵彩筆  
似蘭吹過口脂香

纖手呵寒放剪刀  
迢迢清景夢難描  
璽瓏樓閣風兼雨  
冰筯來朝一萬條

道古堂詩集卷四